

# Petrux Thiang Ka Yesux



Lukax 22:31-34, 54-62



**Illustrations by Sweet Publishing <http://sweetpublishing.com/>**

This work is licensed under the Creative Commons Attribution-ShareAlike 3.0 Unported License. To view a copy of this license, visit <http://creativecommons.org/licenses/by-sa/3.0/> or send a letter to Creative Commons, 444 Castro Street, Suite 900, Mountain View, California, 94041, USA.

**Scripture passages are from the New English Translation**

The introduction and study questions were developed by Michelle Miller and Pang Snta' to be used with an audience of elementary-age children or with new believers who have limited background knowledge of the Scriptures. The goal of the questions is to help people engage with the Bible stories through a discussion format. The questions in this guide may be freely adapted as deemed appropriate for a particular audience.

**Translated to the Wa language by:**

**Yex Ka Lin**

**Ai Sang Awng**

**Edition : First edition**

**Date : September, 2015**

**Wa Scripture passages are from The Holy Bible in Wa (2012)**



## **Puag Pua Pa Koe Plak Khaix**

Singaix in ex tag sang yaox ti mhong  
grawng Petrux, pa mawh kawn cau Yesux  
tix kaux. Petrux kied sidaing moh ka Yesux,  
viang mawh nan, yam giex pui Yesux,  
Petrux keid lhat mai nawh yuh ceu pa lud.


Been in koe (2) baux. Baux tix mawh  
grawng pa hu Yesux rawg buan piang  
gawng Sanlun, baux ra mawh grawng pa  
lih ti koe khaix hoik giex Yesux.

*Krax Pa Nih Nai Krai Lao*

Sax lhat (kaig) krai maix mawh tix  
kawn khrit ka pui tang kaux lie?




*Grawng pa koe daux been in kienie, mawh grawng khaix hoik ih Yesux Poi Pasakha tau mai kawn cau Nawh khankix.*



<sup>31</sup> “Simon eue, Simon, jhak heue, satan hoik mhaing maix, sonsang pon nawh ti grheung maix, awm grheung nghox ca heue. <sup>32</sup> Viang mawh nan Aux hoik rawg bwan, son maix, son ang krax yum rhawm maix sang laux heue. Yam deeh tieh maix ti hoek maix tag kieh puxaik maix khankix kaux cong heue.”



<sup>33</sup> Simon deeh ah nin ka Nawn Cao, “Simiang eue, aux hoik pon ti hu mai Maix, daux thawng mai khawm dee yum heue.”



<sup>34</sup> Nawh Cao baox ah nin, “Aux krai ka maix Petrux eue, ka daux singaix, ka ang ia nyang ux, maix tag thiang ti tik vud Aux loe bawg heue.”




<sup>54</sup> Kix giex Nawh Cao mai tuk Nawh mai viex  
Nawh hu ka nyiex cao giex kaing li pa ting piang  
khawmuik heue. Petrux hawt hu dee singai  
heue.



<sup>55</sup> Yam hoik phlu kix ngu ka sinax bawk nyiex mai hoik ngawm tau, Petrux kawx, ngawm ka sinax kix heue. <sup>56</sup> Bun pa mawh siliex tix kaux, yaox nawh ngawm ka daux pa riang ngu mai jawg ti jhak nawh, ah nin, “Pui in kawx, ot tau mai Nawh heue.”



<sup>57</sup> Viang mawh nan, nawk thiang ti ah nin,  
“Bun eue, Aux ang tawng Nawk.” <sup>58</sup> Khaix an  
tivud tang kaux tix kaux, yaox nawk ah nin,  
“Maix kawx, mawh ka daux kix tix kaux heue.”  
Viang mawh nan Petrux deeh ah nin, “Pui eue,  
aux ang mawh.”



<sup>59</sup> Khaix an dex rheung tix nari, tang kaux tix  
kaux, krai awm pa hoik tawng nawh ah nin,  
“Kaw in kawx mawh pa hoik ot tau mai Nawh  
tete, kheu mawh nawh pui meung Galilie heue.”



<sup>60</sup> Viang mawh nan Petrux deeh ah nin, “Pui eue, aux ang tawng pa ah maix” Yam kawn tag sikah nawk, ia ux dom mawx dom an heue.

<sup>61</sup> Simiang veeh mai jhak ka piang Petrux. Petrux doh keud ka gumlox Simiang, pa hoik krai Nawh Cao ka nawk, ah nin, “Ka daux singaix ka ang ia nyang ux, maix tag thiang ti tik vut Aux loe bawg heue.”



<sup>62</sup> Nawh lih hu mai yiiem heue.

### **k. Deeh Thawk Theng**

1. Yesux ah mawh pui mawx 'pa grheung' ka Petux?
2. Petrux ah ti sang yuh pa tix son Yesux?
3. Sivoe sang ux ia loe bawg, Yesux ah tag sang lih tix mawh tix ceu ceu. Nawh ah mawh ceu pa tix pa sang lih tix koe?
4. Liien khankix viex Yesux hu dee mawx? Mawh pui mawx pa hawt kix dee singai?
5. Mawh pui mawx pa pon ci Petrux bawg liang yam ngawm Petrux dex dee phlu ngu?
6. Pui pa pon ci Petrux koe maix kaux? Kix ku kaux ah yuh ka mawx?
7. Mawh grawng ceu pa tix pa kieh Petrux doh keud ka lox pa hoik krai Yesux?
8. Yam doh keud Petrux ka lox pa ah Yesux, daux rhawm nawh koe yuh ka mawx?

### **kh. Krax Pa Doh Rhawm Ka Been**

1. Maix keud yuh ka mawx grawh grawng pa ah Satan simie ti grheung Petrux?
2. Yesux ah ti rawg buan son Petrux mai kawn cau khankix. Nawh rawg pa tix?
3. Mawh kheu jao pa tix Petrux hawt khaix Yesux tom hoek nyiex lhaong cao giex kaing li?
4. Maix keud mawh kheu jao pa tix Petrux thiang ka Yesux?

### **g. Krax Pa Deeh Shiao Daux Ju Tix Khaing Been**

1. Satan sang grheung ex ka daux blawng pa yuh ka mawx?
2. Ex chix thiang Yesux ka daux blawng pa yuh ka mawx?
3. Ex chix koe riang rao krax yum rhawm yuh ka mawx?
4. Yam mhong ex grawng rawg Yesux buan son Petrux mai kawn cau khankix, kieh ex koe riang rao yuh ka mawx?

### **ng. Ceu Pa Rieb Gau Ex Khaing Been In**

1. Satan mai phi caox coca ti nyaw glaw mai cheuk cheu ka pui pa hawt khaix Yesux.
2. Phuk lai Sigang Khri krai ex mhong, Yesux ot sivoe dang ngeung Siyiex rawg buan son pui pa yum rhawm ka Nawh, yam ang ex tawng sang rawg buan yuh ka mawx, Khuan Singax Singeh rawg buan son ex. (Hebrie 10:19-24; Romax 8:26).
3. Ex caw ti tawx riang rao paox tix son sang kaux krax yum rhawm ex ka Yesux, pa mawh Cao Taoh.
4. Maix pon rieb gau ceu pa tix? Kawn koe lox chawk maix lie?

### **Baux Lai Pa Caw Ti Ci**

Lukax 22:32 ...Viang mawh nan Aux hoik rawg buan, son maix, son ang krax yum rhawm maix sang laux heue. Yam deeh tieh maix ti hoek maix tag kieh puxaik maix khankix kaux cong heue.”